

中華民國九年四月初版
中華民國九年四月初版

(有獎券趣史全一冊)

定價大洋三角

版權所有

編輯者 餘杭生

印刷者 上海普通書局

發行者 上海普通書局

分售處 漢口黃陂街
廣東雙門底
北京楊梅竹斜街
奉天鼓樓北
武昌察院坡
會文堂書局

各省書坊均有出售

有獎券趣史目次

臨財不苟	一
死而後富	二
觀音點化	四
畫符發福	六
苟富而驕	七
天道難憑	一〇
財來財去	一一
得馬非福	一三
剝衣送命	一五
自由呼吸	一六
穢物入庫	二〇

嘔唾珠玉	二三
絕處逢生	二四
送死有資	二八
飽受虛驚	二九
賚恨重泉	三〇
鴛鴦戢翼	三三
得錢受辱	三七
交臂失之	四〇
推却不開	四二
扶危定傾	四四
一飯千金	四五

有獎券趣史 目次

瓦礫成金	四六
錦囊妙計	四八
富易糟糠	五一
惠而好我	五五
貪得致貧	五七
財團監督	五八
其細已甚	六〇
夢境分明	六二
誑報喜信	六四
遺世獨立	六六
鞠躬盡瘁	六八
青妖飛至	七三

有獎券趣史

著者 餘杭生

臨財不苟

紹興壽君逸其名。清季時適寓海上。一日忽得其友某。自江西來信。屬代購湖北獎券一全張。此券定於次日開彩。信到之際。已近黃昏矣。壽外出代購全券訖。忽被友人邀飲。醉歸就臥。至次晨走筆寫覆函未畢。票肆夥欸門走告云。君昨購某某號一券。已中首獎。特來報喜。壽君笑曰。票非吾所購。乃吾友囑購者。今尚在此。吾當告之言。已藏票而出。自詣電報局發電告友云。足下屬代購券。已中首獎。票尚在。未寄。獎金自取。或代領。請電示。某具友得此電後。既欣且駭。念票尚未寄。已得首獎。設以羊易牛。誰知其秘密者。卽謂信到之際。已值開彩。空函作覆。有何不可。或票已售罄。無可購取。皆可。諉飾。臨財不苟如此。雖古之君子。亦不能及。卽覆電云。票自君購中。乃

君。之。力。中。而。不。取。亦。君。之。義。儻。來。之。物。願。分。享。之。弟。卽。日。首。途。俟。面。譚。某。覆。未。幾。友。至。既。得。獎。銀。欲。平。分。春。色。壽。君。堅。却。云。票。實。君。購。中。獎。亦。有。命。在。僕。不。敢。邀。非。分。之。富。其。友。強。之。再。某。君。作。色。曰。僕。豈。望。儻。來。之。物。哉。使。予。等。富。已。獨。享。鉅。款。矣。貧。富。有。命。無。庸。推。遜。友。知。不。能。強。攜。所。有。歎。息。而。別。後。數。月。壽。君。自。購。一。券。又。巧。中。首。獎。先是。壽。之。家。人。知。中。券。不。取。銀。之。事。頗。加。詬。誶。至。是。壽。謂。家。人。曰。貧。富。有。命。非。可。妄。冀。冀。若。獨。吞。所。有。他。日。或。不。免。奇。禍。茲。吾。分。內。得。此。阿。堵。物。可。以。恣。汝。等。揮。霍。矣。舉。家。大。喜。鄰。里。聞。者。亦。以。爲。忠。實。信。義。之。報。也。

笑史氏曰。三代而下。固嘗有拾金不昧之事。然其所得。或區區小數耳。身當其事者。或恐亡羊之人。追查過急。有傷自己之名譽。有所顧慮一也。或恐事至危急。失者有生命之虞。有所顧慮二也。若夫所有權尙未分明。止天知地知我知而已。轉移頃刻。豈得議其干沒者。道德高尙。吾誠無辭以贊矣。

湖州某肆一學徒。傳者逸其姓氏。津貼所得。月必購獎券。無期或間。不足。則借之同伴。或潛質衣物以應急。又移店欸爲抵補。如是半載。支絀之苦。如坐荊棘。同伴或勸之。徒笑曰。吾以屢人子。執店役如奴隸。卽卒業。亦月僅三四金。前途黯黯。有何希望。幸而中獎。則爲店翁矣。金屋嬌亦不難立致。吾雖以購券蝕資。迄不悔。百次之失。安保不有一次得乎。同伴無以難笑置之。且以索債急。爲經理所知。追查帳目。且短店欸數十金。理經大怒。召徒責。將予斥退。並着保人追欠欸。徒懼哀懇。誓自後不再犯。犯則斥責。惟所命。同伴亦代保。得暫留焉。越一月。徒復見獵心喜。潛購湖北券二分。條忽爲同伴厲目。忌者卽譖於經理。經理怒曰。此徒執迷已甚。惟有照所約行事。以警餘人。卽令徒還家。且靳其鋪具衣篋等。一面更追保荐人。賠欠欸。顧徒家甚寒。有寡母。爲人力作糊口。同伴荐保。索債叢集。又爲母泣責。慚悔兼乘。卽夕自盡。更三日。湖北捷音至。徒中首獎得萬金。票肆友來報。經理以次。莫不爽然若失。蓋此徒未斥退之先。母詣店哭求。請緩償期。併乞其子復業。經理人聲色皆厲。至是。又深懊不置。

云。

笑史氏曰。徒之死。不足爲凡爲徒者勸。蓋足爲凡爲徒者警也。何則。中獎之適遇。數萬分之一耳。死後中獎。亦萬萬僥幸之數也。世之凡如爲徒者。實有必死之道。僥倖者能幾人哉。或謂徒果不死。獎亦未必中。蓋天憫苦節之寡母。乃有黃金之賜。雖然。塊肉無存。雖有多金。又安足樂乎。

觀音點化

杭州童乘寺某廟祝。一碌碌無用人也。茹素而儉刻。無家寶。依寺終老。寺亦不廣。某每夕。襆被睡佛座下。當某期塘工。券開獎前數夕。夢白衣大士。令往新宮橋滙豐獎券肆購券。當得首獎。某醒起洩。頗以此夢爲奇。顧平日愛財如命。亦未作非分想。故不甚在意。乃洩畢更睡。復夢大士。且持小斧。扣其頭。凡三下一驚而醒。已天明日出矣。惺惺披衣。決計往券肆。揀得一票。係三萬三千九百零三號。以爲小斧扣頭。適符三下之數也。至期果中首獎。喜出意外。惟某厲寺久。市井游蕩。皆與素識。以其愚懦。

可欺也。有強詞硬借者。有詐索舊欠者。垓下之圍。幾難自脫。時有某甲。爲地方無賴之首。且較有膽智。某在平日。固視爲好人者。力援某出。令厲其家。謂某曰。今無賴之衆。以爾得儻來物。若不破費。決難安穩。誠宜分潤。以求無事。某曰。吾亦有此心。但恐難措手。甲曰。爾但出金而避面。吾爲陳平。代爾宰割。孰敢有異議者。某如議。付五百金與甲。懇爲分配。越數日。某謂事已了。欣然外出。諸無賴復叢集。仍行硬借索詐之故智。某曰。吾已付五百金於某甲矣。若曹詎未分潤耶。衆人愈怒。且詈曰。吾守爾多日。不見蹤迹。今日又巧言圖脫遁耶。攢歐之。不稍懈。蓋某所撥之五百金。已盡入甲之囊底。並無分毫惠及他人。無怪共視耽欲逐。欲得甘心也。某臨危駭叫。岡警至而干涉。歐者被歐者。悉扭至警署。警員問故。某具述所以。而強借硬索者。亦都振振有詞。云某在平日。如何受彼等之恩惠。滔滔舌辨。如墜天花。警員謂某曰。爾既擲五百金。彼等或不足。何如再斥此數。譬如少中五百金。以爲如何。某唯唯無異言。一哄而出。某不免歸咎於甲。甲曰。此豈我乾沒者。人多金寡。仍行故智耳。某無以難。更付五

百金與甲曰。君好自爲之。爲我求平安。甲唯唯得金以後。彼置之囊底。越日語某曰。善門不可啟。又有覬覦君者。急宜遠走。無戀茲土也。某然其言。夤夜越城。與甲偕遁。至遠方某固脫累。甲亦小富。無賴蓄志。眼睜睜且不能得半文也。

笑史氏曰。以一窮廟祝。而驟享五千金之鉅款。雖宋藝祖之黃袍加身。何以異此。吾謂觀音託夢。亦旁人附會之譚。猶之漢高祖以斬蛇起義。以示非常之富貴。必有特別之顯應。云爾。獨某甲以行使巧智。安享一千金之數。無涓滴以及他人。手段之敏。居心之貪。皆加人一等。無賴空起忙頭。小流氓究要不過大流氓也。

畫符發福

某甲年四十。終鰥未娶。自言能瞰鬼。又善畫符治萬病。及搜小兒驚風。蓋一妖言馬扁之流也。然婦女迷信者。嘗有求於甲。故尙能給衣食。寓杭州西都司衛某乙處。僅賃一榻。寄食有年矣。一日。應新宮橋某姓家之召。爲小兒搜驚風。作法既畢。贈以小銀元六枚。甲過滙豐彩票肆。肆夥呼與語。問其何往。甲停蹤。具以告。仰面見粉牌。詢

曰。塘工券明日開獎乎。夥曰然。甲曰。然則吾亦購一票。吾爲人搜驚。適得六銀角也。甲得一票。卽三萬三千九百零三號之數。懷挾而去。至次晨。已報中首獎。鄰右需索者。亦頗與廟祝無異。居停主某乙。竭心力爲之取欸。并代行點潤。某甲自得七百元。其三百金。則分及鄰右。以四千金儲諸銀行。誓不動本。後來之人。皆有來遲之憾。自是而後。爲甲執柯者。已絡繹不絕矣。

笑史氏曰。聞此次中獎。下流迷信之所得。居大多數。亦異聞也。吾思廟祝與畫符人。皆赤貧之塵人子。一日黃金入手。皆有慷慨散財之美意。竊恐此欸一入富人。之手。未必肯有一毫之拔。二人之職業。雖不足取。然觀其行事。亦可以礪末俗矣。某甲以終鰥之身。卽其自分。亦不思有錦被繡被之樂。而乃黃金朝輦。媒妁夕至。黃花嬌女。甘與老鰥。夫齊眉嗟乎。人生世上。金錢富厚。豈可少也哉。

苟富而驕

某科長。月購有獎券。數甚鉅。票業中。有所謂放袖箭者。兌票不設肆。往來公館局所。

間四出售賣。袖箭人因科家喜購票。聞風自至。科長之閹者。以是得有小利益。故樂爲勸售。袖箭人一日。又挾利濟正券至。閹者轉達。某以非全張不欲買。門者又爲代售於僕婦。乳媼張氏購二條。僕婦之童養媳沈氏購一條。按杭州傭婦恒挈幼女或養媳寄食主家。治瑣屑之事。糊口而不給工資。謂之白吃飯。童養媳亦白吃飯之流也。捷電傳來。竟中首獎。張沈二氏無不作喜鵲。學蝴蝶舞。狂喜之情。難以盡述。白吃飯遂謂張氏曰。我等得鉅款。設無保障。危險滋甚。計不如暫存主人處。領欸一節。亦煩主人爲力。二人議定。遂共面主人。納紅票。白所事。主人笑領之。越一日。張婦有悔色。遂謂主母曰。吾富矣。不傭工亦足度日。主人欲留我。未始不可。但須遵我之條件。其一。吾已有多金。富可蓄婢僕。後在人前。勿復張媼我。其二。願假主人之樓居。爲我寢室。其外一間。爲鄉間往來者駐足所。主母聞言。雖甚怒。然已代爲存欸。度未能驟與決裂。以取煩惱。姑應之。不與主人明言也。而數日之內。過江來候張媼者。人數至衆。若嬌婿。若丈夫。若子女。嘩噪樓屋之上。喧賓奪主。放肆已甚。而張媼出入必肩

輿子壻亦必雇街車。此往彼來。有如客館。主人大怒。急下逐客之令。張媼不辨。又與家人等乘輿出門去。未幾。卽有聚豐園之請客票。所請爲主人與主母。陪客則陳媼之壻與姪。而主人卽媼夫婦也。主人更大怒。撕客票片片碎。辭絕不去。先是。欸旣領得。沈女卽向酒樓具盛筵一桌。送至主家。又媵以茶葉蔣腿。精緻禮物若干事。以報經紀之勞。主人喜受之。張媼旣請客不到。轉效沈氏。治席與禮贈主人。主人笑曰。吾非未饜酒食者。不欲分汝之所食。趣讓吾樓宇。還我清淨地可也。萬金具在。可收去。張媼無言。取銀卽出一羣男女。卽日遷居大客館。布裙赤足者已各做太太老爺矣。白吃飯。始終留主家。無纖毫矜色。云。

笑史氏曰。吾嘗謂人生在世。皆有凌人之意氣。爲飢寒所迫。不得不忸怩。以受驅策。故凡爲名伎。必有狎伶工之儔。或大家姬妾。喜近黠僕。蓋謂此等之人。方可任吾之侮弄。如他人之侮弄自己然。昔有某疆憲之輿台。家已富厚。姬侍奴僕。成行伺顏色。其人舁撫憲歸衙後。亦卽歸私宅。奴僕啓中門。呼曰。老爺歸來矣。於

是。或。燃。華。燭。或。搬。坐。椅。或。移。木。盆。傾。洗。腳。水。排。場。井。井。老。爺。太。太。他。日。出。亦。坐。旒。鬚。燦。爛。之。肩。輿。也。其。變。化。不。測。如。此。張。媼。高。亢。之。心。固。亦。有。人。格。者。惜。不。能。使。於。故。主。之。前。耳。石。頭。記。有。奴。子。爲。知。縣。者。及。見。主。人。叩。拜。稱。謂。尙。不。慝。於。禮。節。嗟。彼。張。媼。何。度。量。之。淺。也。

天道難憑

杭城聯橋湯團店主人某甲。偶買利濟券一分條。遽中首獎。除俵散外。僅存四千金之譜。然甲固窶人子。自分生平。無需此多金爲心滿意足。頗有胞與之量。因竊自計。曰。吾在是。設肆已數年。市井皆與吾素識。詣吾肆者。以苦工力食者居多數。無非以饅頭白麪。代一餐之食。吾既鉅富。自應在無形處濟貧民。遂屬肆夥。增加肉餡。將饅首等放大。一碗之麪。亦幾及兩盃之原料。數日之後。門庭如市。柴間雞筍。亦設座爲招待處。增竈二乘。燔柴不絕。不料烟鹵走火。幾肇焚如。幸而水龍羣集。謹焚小披一間。然屋主迫其造拔。隣里罰其修路。賴有爲之排解者。費洋五百。始得了事。遂遷居。

他處不復設肆矣。

笑史氏曰。甚哉天道之無憑也。夫甲之所有。亦僅僅六千金而已。分所識以二千金。猶不敢自私。念念爲窮民苦力計。俾納少許之代價。恣其飽食。猶且增灶添座。來者不拒。以此存心。宜有隆隆日上之勢。乃祝融氏偶而稅駕。幾至蕩其所有。將何以爲好善者勸也。至今苦力輩。重過其居。猶念大饅頭流口涎三尺也。

財來財去

上年七八月間。利濟副票之首獎。疊在杭城售出。一次售於上倉橋某票肆。下一次售於下倉橋某票肆。二倉橋頂上。各祀朱天君。附近居民。奉之其虔。說者謂天君之佑之也。上倉橋附近。有一羊肉舖。舖相對。卽爲某票肆。舖有屠夥。亦醉心儻來之富。恒縮衣食。爲孤注之一擲。其爲人愚而好自用。嘗就過去之五大獎。研究單千百位各數之奇偶。及成數之形勢。蓋獎券號碼。爲五位數。票業中自有特取之名號。如數中無圈者。謂之五馬落地。兩頭爲圈。第二數與第四數相同者。謂之香爐蠟燭台。或

謂之三事件。如○二五二○是也。或第一第五及第二第四各號兩兩相同者。謂之五事件。如三九七九三是也。成千之數。無奇零者。謂之三元及第。前四字同爲某一字。獨第五字不同者。謂之流星趕月。實則此中人巧取名目。無絲毫關係也。屠夥每於購票之前後。嘗揣摩數字。形之夢寐。開獎前數日。已購利濟副券二分條。再四揣摩。終以爲不似大獎。復詣票肆揀餘票。毅然易之。捷電傳來。則屠票所先購者。已得首獎。屬他人矣。屠望見電碼。心中疑似。咄咄自語曰。此號甚熟。此號甚熟。言未畢。肆夥呼謂之曰。爾所掉去之票。已中首獎矣。試思當曰。若何勸爾者。屠曰。得勿僞電以欺我者。肆人笑曰。誰暇欺爾。不觀吾報捷者已四出乎。屠此時面無人色。有哭笑不得之勢。忽取俎上刀。圖一死畢命。爲人解免。自此瘋癲。神智盡失。店主人以瘋人不可用。休其業焉。

笑史氏曰。獎珠之出也。如暗中摸索然。奇偶正散。誠無討論研究之餘地者也。屠夥以一蠢蠢之夫。乃欲予智自矜。窮天地之秘。而冀不可必得之財。卒之以牛易

羊喪其固有之利。豈非弄巧成拙之所爲乎。既得而復失之。較之不得者。其酷百倍。或謂屠殺牲既多。天以是報之。其信然歟。

得馬非福

清季之際。湖北票行銷浙省。一時繼起之小票。如恒河沙數。其得采號碼。一以大票爲標準。自無流弊之可言。惜發行是項小票者。皆非殷實之商肆。雜貨錢鋪。皆出票。勢不能全部售罄。嘗有首獎售出。停肆遠遁者。或有以零星貨品。代抵獎金之事。紹城某信局。亦印獎券發賣。信差至人家。隨意勸買。窮鄉僻地。皆遍及焉。有朱某者。設雜貨肆於鄉中。亦購券一號。開獎後一日。忽信差至肆云。本期獎已印錯。已申明無效。願以洋贖券。免失信用云云。詎主人是日在家而不在肆。肆友聞言。卽領信差至主人家。具言所以。時主人之親戚。適自紹城來。聞其事。謂主人曰。請借君所購券一觀之。主人予券。戚視之。詫曰。噫。此首獎也。吾在紹城。已見號碼矣。蓋僻壤無電局。須轉展帶信而來。售票人先得信。故以是相欺耳。衆賓在座。咸怒曰。購票既中。乃行